



Феофилакт ЛОПАТИНСКИЙ

Слово о богодарованном мире

СЛОВО О БОГОДАРОВАННОМ МИРЕ

*Проповедано в день Обрезания господня: 1722 году,
ианнуариа, в 1 день*

Похвали Иерусалиме господа, хвали бога твоего Сионе,
яко укрепи верей врат твоих, благослови сыны твоя в тебе,
полагаяй пределы твоя мир.

Псалом 157

Новый год от воплощения Спасителя нашего начинаем православному слушателью. О котораго благополучном течении что бы мне возглаголати наипаче к премудрейшим и всепречестнейшим слушателем, недоумеваюся. Имея в памяти некоего великаго учителя церковнаго словеса сия: Что есть время, аще никтоже мя спросит, вем; аще же спросит толкование его; не вема. Время мнится быти всем ведомое, последователне дни, месяцы, и лета: толкование же их не всякому удоборазумеваемо есть: колми паче несудоборазумеваемая суть в будущих временах хотящая быти; о сем вопрошающим любопытно, не инако подобает отвещати, но тако якоже Христос апостолом вопрошающим его о лете устройства царства Израилева, отвеща: Нестъ, рече, ваше разумети времена и лета, якоже отец положи в своей власти б. Дерзаю обаче о том глаголати тако, якоже человецы о вещех мудрствовать обыкоша, которые с прешедших последующая, с ведомых неведомая постигают. Тако философи от вины мудрствуют о ея деле: математицы от познанных трех чисел, златым арифметическим правилом, доходят четвертаго пезнаемаго: богословцы от высочайшия всеблагия вины познают благодать всех тварей. Вместо пришедшаго, мне есть лето скончавшееся 1721, которое наипаче отсюду благополучнейшему быти, яко превожделенным миром окончалось. Бог сый мира отец щедрот убожил прошедшее лето, егда изволил положити пределы его мир.

Лето знаменитое достойно летописных книг и новых летописцев; достойно сие лето заключати в себе щастливый лозон российский, неравное число в себе содержащий! Якоже и лето, в которое Полтавская совершилася победа 1709, иже семя и корень сего предивнаго мира во оный год посеяннаго, а в прешедший

доспевшаго в жатву. В таковом неравном числе некое благополучие мняху быти и языцы, якоже свидетельствует Virgiliy, глаголющий: неравное число бог любит. То еллины творяху по своим супертициям, обаче и в самой вещи и сам бог благодатины источник в неравном числе пребывает: есть бо един бог в триех ипостасях, единство его в Троице, и Троица во единстве. И большая многая дела своя в неравном числе дней совершает. И сам по создании мира сего в седмый день почил, то есть покой возъмел от всех дел своих. И России в третью седмицу лет войны прешедший даровал почити, показав мир, то есть покой сей превожделенный. Прешедшаго убо счастливаго лета дарованное России от бога, воспоминаю благополучие, вам же, православнии слушателие, невозбранно будет и от новоначеншагося лета благополучии добрую без сомнения надежду восприяти, или паче ясно оное видети: понеже прешедшаго года кончиною не скончалося его благополучие, но простирается и на нынешний и на последующия ему безчисленные годы, якоже миру сему вечному несть конца, тако и благополучие наше, с миром полученное, бесконечно есть. О сем на прославление бога, отъемлющаго брани и подающаго мир человеком, нам же на пользу и радость душевную.

Да вопрошают любопытнии: которое время и лето есть щастливое кому, да ищут его в звездах суесловнии астрологи, буесловнии язычестии волсви и жрецы в птицах, во утробах животных всяких, водах, огне, воздухе и земли, суеверцы забобонные во всяких случаях.

Аз утверждаю сие быти благополучнейшее время и лето, в которое благословил бог люди своя миром, и сим всеполезнейшим: и не на едино, но на множайшая бесконечная лета:

Мир во всех благ потребных в житии сем человеку ходатай есть, и сам собою приятнейший есть, паче всех желаемых и честных вещей в мире сем: Ради мира и праведная война честна есть, а не сама собою, понеже мир рождает по победах похищенное и неправедно удержанное, от неприятеля возвращает своему владыце и от неприятеля не любящаго правды и мира, защищает. Инако война сама собою не имела бы места и чести между человеки: в Якоже во оряи, с надеждою должен орати, и молотяй с надеждою должен есть молотитив, по словеси апостолскому: тако подвизайся во брани, с надеждою победы, а потом с надеждою мира подвизается. Брань есть ораение, сеяние, а мир — жатва хлеб, подающая на укрепление человеку. Брань — насаждение винограда, а мир — обирание плодов, от нихже есть вино, увеселяющее сердце человеку. И по тому властители мира сего, когда един от другаго имать некую обиду и досаду, прежде войны послами обсылаются со увещанием, да бы

обидящий отдал похищенное несправедливо, и сотворил бы дозволенье обидимому: и когда то сотворит, не бывает брани, егда же не восхощет, по нужде брань бывает.

Подобное творим нечто и в неправедных войнах своих, славный в мире п лютый ненасытный разбойник Тамерлан, который пришед под какой город, не воевал на него до третияго дне. Перваго дне поставляял белое знамя, изъявляя, яко помиловани будут граждане, аще без противления поддадутся: Во второй, поставлял знамя красное, возвещая, что не без пролития крове их будет, яко не поддалися: В третий, знамя черное, показуя, яко никтоже помилован будет от человека до скота.

Сим показал оный варвар и скиф Тамерлан, яко и он не вступил бы в бой, аще бы мирным образом возмогл получитьи желаемое. Война убо по нужде бывает, а мир сам собою благоприятен есть, и ради благ последующих ему. Идеже бо мир, тамо и прочая в жизни сей потребная. Идеже мир, тамо всякое доволство, якоже глаголет Псаломник о Иерусалиме: Полагаяй пределы твоя мир, и тука пшенична насыщаяй тяг Идеже мир, тамо всякое изобилие: якоже тому же Иерусалиму желает Псаломник: Буди, рече, мир в силе твоей и обилие в столпостенах твоих. Мира инако не изъявляет дух святыи в Писании, токмо благим желаемыми человеком. Сице от Захарии пророка глаголет господь: е покажу мир. Разсудим же како показывает: вино даст плод свой, и земля даст жита своя, и небо даст влагу своею, и прочая, и будете в благословление. Знали то добре и языцы единым светом природным просвещеннии, того ради мир изображали корнукопиею, то есть всяким изобилием, пишуще девицу держащую в руках рог исполненный всяких цветов и класов от плодов земных. Во изъявление того же, Иулий Кесарь Римский на манетах своих печатал жезл поселский, а при нем корнукопию. Веспасиан на своих манетах изображал две руки, совокупленны держащиеся, от среды которых происходит сноп класов различных жит селных: не ино что сицевыми знаменми прообразуют, токмо миру последующее всякое во всем доволство.

Множайших сия вещь доводов и толкований не требует: понеже и в нынешнем богом дарованном нам мире со свейскою короною, очима нашими видим и руками осязаем, явное благочестие и благословление божие пред Россиею. Коль многая благая; коль много пользы принесе нам мир сей; кто изрещи может достойно и довольно; главный вещи изъявляет ратификация, а что во оных главах подробно заключается на российскую пользу; того ветийстии языцы изрещи и многия книги вместити не могут. Всяк добре разсуждающий вещи, пожелал бы такового мира, а кто бы надеялся; таковых не многих обрящем. Аз на похвалу сего уди-

вительнаго мира, сие токмо изреши могу, яко не человеческим, но божиим особенным промыслом и необычным милосердием божиим к российскому империум составился.

Дивная некая и чудная дела божия, а не человеческая увидел, царскою диадимою увенчанный пророк, и сам един не могий надивитися таковым дивным и чудным делам, и нас к зрению техже призывает, глаголя: приидите и видите дела божия, яже положи чудеса на земли ж. И каая сия суть дела божия к нимже призывавши нас да видим я, пророче божий; еда ли хочещи да посмотрим на сию превеликую и дивную махину мира сего, от ничего словом господним единым созданную; видим и испове-ь дуем быти предивное и прекрасное дело господне! Еда ли то представити хочещи очесем нашим, яко бог проведе люди своя сквозе Черемное море немокрыми стопами, изведе им воду в пустыне из тверда камене; хлеб аггелский с небес даде им ясти, и прочая сим подобная; о них же веомы от Священнаго писания. Не к сим, но к славнейшим делам божиим позывает Псаломник. И каая сия суть толь дивная и славная; мир после брани! Якоже явно есть от последующих, глаголет бо: приидите и видите дела божия, якоже положи чудеса на земли: отъемля брани. И сия ли не суть чудеса. Сия. Чудо воистинну есть, и самое дело божие, егда кто со врагом своим истинно примиряется! Человецы бо потерявши свое человечество во Адаме, егда друг с другом вражду возъимеют, толь жестокосердие бывают, толь отвратны от дружества, яко в великое чудо вменяется их (наипаче обоих силных) примирение, и не человеческое, но божие дело мнится быти! Тако ли о всяком примирении после вражды бываемом, между человеки разумети подобает, или инако; то ныне оставляю. Сие токмо отсюду со дерзновением утверждаю: яко мир нынешний со свейскою короною богом дарованный России, есть великое чудо, и самое собственное дело божие, яко возможи нам ко всем народом посторонным Давидски глаголати о нем: приидите и видите дела божия, яже положи чудеса на земли отемля брани. И сия к себе самим: похвали Иерусалиме господя, хвалите бога твоего Сионе. Яко укрепи верей врат твоих благослови сыны твоя в тебе. Полагаяй пределы твоя мир.

И по тому сей мир наш есть мир божий, и бог наш есть бог мира сего. И бог наш есть мир наш, сотворивый обоя едино. Аще бы и не имел до селе таковых титул бог, каковыя давно имеет от апостола от нашего сего мира возраели ти ему сии титулы.

Сицевым бо миром окончалася война многотрудная, долгопротяжная и аки безконечная, войны иныя тяжкия, а не мир родити угодныя, якоже и многия войны родила было. Во время тоя войны прозябла крамола астраханская: полское непостоян-

ство и смятение: дефронизация короля Августа, и всея короны поколебание. Мазепинская измена; Булавинская, Некрасовская, и прочий недостойны воспоминания; союзников превращение и примирение с неприятелем, прежде окончания войны, турецкое мироломное востание. Татарскаго крымскаго хана главная злоба и козни: кубанцев нападения воровская, англинское искусительное исхождение с флотом не единожды.

И сиевые ли вины таковаго конца было чаяти; по человеческому сие казалось быти невозможно, а не токмо скончати тако, но и начинати казалось было неудобно. Трудно сие неудобначинаемое дело являшеся, с сильным соседом, воинство регулярное искусное имущим, победами славным, хитрости исполненным, городами крепкими огражденным, лесами, болотами, каменми, реками, заливами морскими, езерами, и самым морским от России заслоненным, флотом старинным защищающимся. Трудно, глаголю, являшеся с таковым неприятелем в войну вступить России, не имущей еще в то время таковаго регулярнаго совершенно обученнаго воинства, каковому ныне вся Европа удивляется, не имущей еще и флота, без котораго в сей войне поступати было бы, аки без кормы, без парусов, без весла пустнтися в лодке на море, и надеяться стати у намереннаго порту. Обаче дивным и тайным промыслом божиим, и неизреченною его к нам милостию, таковая многотрудная, долгопротяжная, многопременяемая, по различным странам и государствам преносимая война, многия преславная родила России победы, превеликия корысти, силу и утверждение государству, и славу вечную. И по таковых победах на земли и на мори, вне и внутрь государства, по взятии крепких и славных во Европе градов, по покорении великих земель, княжений, езер, островов, синусов, портов, по отверзении Балтицкаго моря прежде замкнутаго, по доволном отмщении бывшему неприятелю, превожделенным миром скончалася: который есть всех воинских трудов многоценных плод дражайший, и доволное возмездие, иждивений сторичное награждение, победа над победами, всех преждебывших торжеств торжество, и самых веселий веселие. Сим бо миром не умалилися, но умножилися, и утвердилися вся преждебывшыя победы: увенчалися вси воинстип подвиги, разширилося Российское государство, и вся православная крепкая держава сугубо креплыпа стала: и наше бо всецело с великою прибылью при нас есть, и иже на нас быша, по нас суть: иже вразп быша, братия суть, а брат от брата заступаем, есть яко град тверд и высок, укрепляетсяже яко основанно царство, глаголет Писаниек.

Многая знамения и чудеса сотвориша апостоли во время своея проповеди: Сие же большее всех чудо чудес есть, яко без оружия

и без всякия человеческия силы и помощи, вселенную покориша Христу: а наипаче в том потрудился Павел апостол, языков учитель и вселенныя победитель. И откуда толикая безсилному сила; от согласия с прочими апостолами, якоже сам сказует: Познавше, рече, благодать данную мне, Иаков, и Кифа, и Иоанн мнимии столпы быти, десницы даша мне и Варнаве, общения. Подобие, егда ныне благодатию божиею Россия со Свиею десницы даша себе в знамение вечнаго дружества, вся вселенная не покоряющаяся Христу, истине и правде, не возможет противу стати им.

Сия и иная множайшая разсуждающ, кто может от новоначатаго лета благополучии усумневатися; которое от божия милосердия не токмо на сей год, но и на последующия в руках имеем.

Во времена Иосифа сына Иаковля, было во Египте семь лет плодородных, во сне фараону царю египетскому изъявленных, седмью кривыми тучными, и седмью класами полными, и семь лет не плодородных, такожде седмью кривыми худыми, и класами тощими изъявленных, пожершими тучныя кривы, и полныя класы. Обаче Египет и в гладная лета не утерпел глада, прежних лет изобилием удоволствован, по премудрому наставлению и домостроению Иосифову, и тако щаслив был Египет, и во время самага нещастия.

Несравненне щаслива еси треблаженная Россия! Изобилием прешедшаго лета, дарованным тебе от бога с миром, тицанием и мудростию, богом даннаго тебе домостроителя и промысленника твоего. Не опасайся никакаваго злополучия, приспела тебе жатва, уготованная на многая лета. Созрел виноград на увеселение сердца твоего: вкуси коль сладки плоды трудов двадцатилетних с единым деятелем винограда твоего, паче же Христова, насыщайся их и наслаждайся: имаши их доволно, не оскудеют тебе, и еще останутся сыном твоим, и сыном сынов твоих, не до третияго и четвертаго рода, но до тысящнаго и болше, во вечныя роды.

Исчитайте ныне труды ваши и походы, и в походах случающыяся нужды, алчбы, жажды, зной, мразы, христолюбивии воины российстии. Велики ваши были труды и подвиги, но большее воздаяние таковым миром. Тяжко казалось дом оставити, мушкет и фузеи носить, различыя далекия страны и земли обтицати, маршеровати по Ингерманландии, Лифляндии, Финляндии, Естляндии, Карелии, Померании, Полши, Саксонии, Пруссии, Дании, Меклембурги, Голсании, Молдавии, и прочих, но легко, со славою и честью, и многими корыстми покой имети.

Горько было ити на огонь, на пули, на волнения морская, на смерть видимую: но сладко торжествовати по том и ликовати в мире. Исчисляйте, глаголю, прежния подвиги ваши, еже бо

было жестоко претерпевати прежде, то ныне воспоминати любо: ниже печально вам будет воспоминание братин вашае, котории храбро подвизавшися, на прошедшей войне, прежде окончания ея и получения мира сего, блаженную кончину восприяли, не лишились и тии мира вечна го и достойнаго возмездия на небеси; о них же истинствуют словеса премудрости божия: н нещевани быша во огню безумных умрети, они же суть в мире. Паче же всех на умножение радости сея исчитайте себе труды несравненным и подвиги, предводителя и наставника вашего, егоже руководством проидосте сквозь огонь марсовый и воду, и введе вас в покой. О бже, коликое твое и нам милосердие! И за что тако возлюбил еси едину сию часть наследия твоего; яко из таковых непроходимых лабиринфов извел еси нас. Не за ино что, токмо за неодоленные и неусыпныя труды, истиннаго отца отечества, Петра Великаго, всепресветлейшаго императора всероссийскаго, государя нашего милостивейшаго, которыми аки вервием непрерываемым, а не ниткою баснословныя Ариадны нзыдохом на пространство. Хвалимо есть добре начата какое полезное дело, а в начатом добре успевати, но похвала совершенная, от добраго окончания происходит. Добрый конец, всякому делу венец, но не от всякаго постижаемый: мнози добре начинают дела своя духовная и политическая, мнози и преуспевают в них, но не мнози совершают: якоже в позоршци, вси убо текут, един же приемлет почеть. Тако и в прочих течениях не вси четь получают, понеже не мнози течения своя добре скончывают. Един Спаситель наш совершитель спасения нашего, дерзновенно ко отцу своему глаголет: дело соверших еже дал ми вси да сотворю. А по нем не мнози подражателие особенно благодатию его укрепляеми, о совершении дел своих то дерзают глаголати. Якоже свидетельствует Писание: от них же единого ныне видим истиннаго подражателя Христова и помазанника его всепресветлейшаго монарха нашего, иже повеленное себе от бога превеликое дело войны бывшия, таковым предивным миром соверши, еже превосходит всякую славу, и вся истории бывшия. Когобы от намерения сего не отвратили, не поколебали, не привели во уныние толь многая бывшая препятія, козни, напасти, хитрости вражия, недостаток во флоте, и домашняя иная бывшая несовершенства и неисправности: воистину всякаго, кроме единого неодоленнаго монарха нашего, по имени своему камня, и сего несокрушимаго дражайшаго адаманта, иже тяжчайшая каменей бремя понесе на себе и сокруши их, вся несовершенства бывшая в войске исполни: флот, без котораго бы таковаго добраго конца войне ни когда не было, созда, оружия тупое на выях вражних изъостри. И таковая дела и вещи к войне потребныя и всему го-

сударства всеполезныя, во время самыя войны соверши, каковыя и без войны совершити, было бы вечныя похвалы и славы достойно. Истинный отец отечества! Что бо доброе имать Россия; егоже он трудами и бодростию своею не родил ей: един во всех тяжких и нечаянных случаях и бедствах, надеясь на господа, пребысть яко гора Сион неподвижимый. Во всех неудобствах сыскал способ, како в них поступити, како бы от них отрещитися, миновати, вожделеннаго конца достигнута, егоже благополучно достиже, не очень скоро, но зело здорово, богом наставляемъ, укрепляемъ и сохраняемъ. Даде господь по сердцу его, и все желание его исполнил: которое огненнымъ изъявити на фейерверке: зделана была жатва и жателе с серпами, и при том написано сие: боже дал еси посеяти, дай же и пожати. И се ныне то даде ему бог.

Сей есть воистинну верный мудрый и добрый строитель, егоже постави господь над челядию своею, над Российскимъ государством, даяти во время житомерие: блажен раб той егоже пришед господь его, обрящет тако творяща.

Сие есть добрый архитект, иже начен войною созидати столп утверждения своему государству, возможе не токмо бранию положить доброе основание, но и совершити добрымъ миромъ: никтоже может рещи о немъ: сей человекъ начат здати и не возможе совершити. Сей есть преславный оный царь, идый ко иному царю снитися с ним благополучно и единожды, и, получив премногия победы, на конецъ мира царству своему всеполезнейший принесе. Сей есть добль воин, иже тако течаще во брани, яко да постигнет. У лаконов, храбраго народа, честно было воину, аще со оружиемъ своимъ возвратился бы от брани, а который бы оружие потерял на войне, тому стыдно было в дому своемъ явитися: и того ради матери лаконския, отпускающия сыновъ своихъ на войну, говорили имъ: «Или с темъ, или при томъ». Сие есть: «Или с темъ оружиемъ возвратися, или при томъ оружии умри в бою» с.

Превзыде храбрость лаконскую и славу прехрабрый воин российский, государь нашъ милостивейший, иже не токмо с Марсова поля бывшия войны оружие цело принесе, но и победителными лаврами и мирными масличными ветвми увенчанное: якоже видехомъ в день торжественнаго вхожденья его.

Отходил отсюду на прежебывшую брань яко господь сил, божиими и от него дарованными силами вооружен, и возвращался с победами: ныне же яко аггел мирен, с миромъ возвратися. Темже и с возлюбленнымъ ему апостоломъ, предъ всемъ миромъ рещи дерзновенно можетъ подвигомъ добрымъ подвигохся, течение скончахъ, веру (богу и неприятелю) соблюдохъ. Прочее убо соблюдается ми венецъ правды, егоже воздастъ ми господь в день онъ праведный судиа...

И без сомнения воздаст ему праведный мздовоздатель и в сем и в будущем веце.

Мы же, православнии слушателие, что воздамы господеву всех, яже воздаде нам; что воздамы господеву, яко таковую победоносную войну, еюже оружие российское во всей вселенней прославилося, даровал таковым миром скончати. Что воздамы господеву богу нашему, яко такового государя даровал нам; каковаго инии народи честнии и славная государства не имели, не сотвори тако всякому языку. Паче же всего, что воздамы за сие, яко во время прешедших войны, во многих огнях, мечях, пулях, боях, волнениях в самых бедствиях смертных, не единожды бывшего, богомхранимаго государя нашего сохранил нам цела и невреди-ма. И не токмо сохранил, но и преславными победами прославил и, наконец, таковой мир даровал ему, каковаго желаше.

Что же по бозе воздадим тебе благочестивейшему государю нашему, толиких благ наших ходателю, авктору, содетелю и совершителю, во изъявление достодолжнаго благодарения; бог умудрил святейший правительствующий Синод и Сенат поднести титлы свойственный, тебе государю, давно сия, в самой вещи имущему. Бог, глаголю, умудрил их и помог им, умолити твою тишайшую кротость, во еже бы изволил еси нарещися таков, каков и прежде был еси, звание от приимший, Петр Великий, отец отчества, всероссийский император.

За что святейшему правительствующему Синоду и Сенату от всероссийскаго народа и от всея церкви благодарение есть и будет.

А о приличестве сих титл благоглаголивейшим устам глаголати оставляем. Кроме же сего что иное тебе принести возможем, и какотя недостоянию восприяти: аще бо мы и авраамскую добродетель имели бы, иже за страннлюбие сподобился аггелов прияти в дом свой. Аще бы и многотруднии нозе твои, якоже он аггелския, умыти удостоилися, ничтоже бы тебе достойно соделали: Аврааме бо оное дело не тому было велико, яко он странных, чуждых, незнаемых, ни едино благо сотворивших ему приемляше. Ты же государь, отец наш, питатель, защитник, просветитель России, прославитель, и все еже у нас есть, твое есть, миротворец бо своя, по толиких трудах воинских пришедший, и то не с голыми руками, но с великим гостинцем, с миром, неисповедимая благая наша в себе заключающим, и кое дело наше может быти достойно пред тобою; но и ног своих многотрудных умовения от нас не требуеши. Красны бо суть нозе благовествующих мир, благовествующих благая т.

Колми паче творящих мир и токовый мир, каковому не токмо вся Россия радуется, но и Европа, и вся вселенная удивляется.

Единым сим от нас доволствоватися принужден еси победоносче и миротворче удивительный, яко познаем и исповедуем неизглаголанную милость божию, тобою нам явленную в войне прешедшей, и во окончании ея таковым всеполезнейшим миром, и непрестанно его благостыню благодарити и молити обещаемся, да бы ты в тойже милости своей сохранил в здравии на многая лета: и сего мира, на вящную государства Российскаго, и вся православный церкви пользу даровал употребити. Здравствуй вечно, с вечным миром, государь наш царь Петр Великий, отец отечества, всероссийский император, на многая лета, аминь.

Проповедано в Москве, в соборной Успенской церкви, Феофилактом Лопатинским, архимандритом Спаским, и училищ московских ректором.

Напечатано в Московской типографии, лета господня 1722, марта в 1 день.

